

納言藤原朝臣被陳申趣有其故、今度此號雖不舉申、然佳號也、被採用何事候哉、內大臣、天明號尤可也、先被移他號候、

嘉德 難、右大將、嘉德號ノ事、後漢嘉德殿火不快候、且德字舊難多候、難被今用歟、陳廣橋中納言、被難之旨其故アル歟、雖然大寶既爲漢家不快之殿名、況處名殿名相通、于年號無憚之由先達記之、且德字雖有舊難、德字在下之號及數度之上者、嘉德之號可無巨難歟、何取漢家之先蹤、捨本朝之佳例哉、宜在群議、重陳宰相中將、陳言之趣雖可然、嘉字在上十度、德字在下十三度、共年序不久、且此號治曆度始而勘進、後凡二十餘度出現候歟、江中納言匡房卿有難申旨、雖有大寶延曆等例、強而不庶幾候、重陳橋本中納言、重被難之趣、非無據、雖然於年序之多少者、強不可依先例之旨、明和度既陳申候歟、且此號字義就中神妙ノ間、勘者不棄之度々出現不謂此號之規模歟、江帥之難事舊候、元賢每陳申ノ上者、此微瑕何足減白璧之價乎、猶宜在群議、

文長 難、廣橋中納言、文長之號度々雖勘進、先輩既有難申旨、各有其謂歟、况年號者用疊字爲本意之由、見自他之記文、旁此號不庶幾候、陳、左衛門督、文長ノ號被難申旨、非無其謂、但非疊字被用例、茂不少、且此號音響モ優美候、可被舉用候歟、重陳、西園寺大納言、陳答、雖然文長者文永訓相同、文永者年曆雖及十箇年餘、非嘉例、且此號舊難最多、旁不庶幾候、可有如何哉、

建正 難、左大辨宰相建正號、雖令引文相違、建永度、俊卿初勘出字也、然貞治度、曩祖忠光種々難申之間、更不結申、愚存其上正之字在下ノ例、大略不宜候、他號ノ中可被用哉、陳、左衛門督、被難趣無餘義候歟、但正字在下、永正、天正、年序既久、被用此號有何事哉、猶宜在群議、重陳宰相中將、建正之難一旦雖可然、左衛門督陳答ノ趣有其謂歟、引文施法于官府、而建其正云々、尤可被舉用候哉、內大臣、建正號聊有存旨、可被閣候、

萬保 難、橋本中納言、萬保號、萬字被用上之例、萬壽、萬治之外無之候、且萬者舞之名、象武王以萬人